

**BOSNA I HERCEGOVINA**  
*Vijeće ministara*



**БОСНА И ХЕРЦЕГОВИНА**  
*Савет министара*

**ОДЛУКА**  
**О VISINI ADMINISTRATIVNIH TAKSI U VEZI SA PROCESNIM RADNJAMA**  
**PRED KONKURENCIJSKIM VIJEĆEM**

**Sarajevo**  
**Mart, 2006. godine**

Na osnovu člana 17. Zakona o Vijeću ministara Bosne i Hercegovine («Službeni glasnik BiH», broj 30/03) i člana 25. stav (1) tačka i) Zakona o konkurenciji («Službeni glasnik BiH», broj 48/05), na prijedlog Konkurencijskog vijeća, Vijeće ministara Bosne i Hercegovine na 112. sjednici održanoj 16.03.2006. godine, donijelo je

**O D L U K U**  
**o visini administrativnih taksi u vezi sa procesnim radnjama pred**  
**Konkurencijskim vijećem**

**DIO PRVI - OPŠTE ODREDBE**

**Član 1.**  
**(Predmet)**

Ovom Odlukom se određuje visina administrativnih taksi za procesne radnje koje su u nadležnosti Konkurencijskog vijeća u skladu sa Zakonom o konkurenciji (u daljem tekstu: Zakon).

**DIO DRUGI - TARIFA ADMINISTRATIVNIH TAKSI**

**Član 2.**  
**(Tarifa administrativnih taksi)**

Administrativne takse iz člana 1. ove Odluke se naplaćuju po sljedećoj tarifi:

**Tarifni broj 106.**

<b>Vrsta taksene obaveze</b>	<b>Iznos u KM</b>
(1) Za zahtjev:	
a) za davanjem stručnog mišljenja, preporuka i tumačenja na osnovu člana 25. stav (1) tačka c) i f) Zakona	250,00
b) za pojedinačnim izuzećem od zabrane sporazuma na osnovu člana 5. stav (1) Zakona	200,00
c) za produženjem roka važenja pojedinačnog izuzeća na osnovu člana 6. stav (4) Zakona	200,00
d) za ocjenu o grupnom izuzeću sporazuma na osnovu člana 7. stav (4) Zakona	200,00
e) za utvrđivanjem zloupotrebe dominantnog položaja na osnovu člana 11. Zakona	1.000,00
f) za utvrđivanjem zabranjenog sporazuma na osnovu člana 4. stav (2) Zakona	1.000,00
g) za produženjem roka bankarskim i drugim finansijskim institucijama ili osiguravajućim društvima od obaveze prijave koncentracije u skladu sa članom 12. stav (3) tačka a) Zakona	300,00
h) za nesprovođenje koncentracije u skladu sa rješenjem Konkurencijskog vijeća ili nepodnošenje prijave koncentracije na osnovu člana 19. stav (1) Zakona	1000,00
(2) Za prijavu namjere koncentracije u skladu sa članom 16. stav (1) Zakona	2.000,00

### Tarifni broj 107.

(1) Za rješenje:

- |   |           |
|---|-----------|
| a) o pojedinačnom izuzeću od zabrane sporazuma na osnovu člana 5. stav (1) Zakona   | 2.000,00  |
| b) o produženju roka važenja pojedinačnog izuzeća od zabrane sporazuma na osnovu člana 6. stav (3) Zakona   | 1.000,00  |
| c) o grupnom izuzeću od zabrane sporazuma u skladu sa članom 7. Zakona  | 2.000,00  |
| d) kojim se koncentracija ocjenjuje dozvoljenom, nedozvoljenom ili uslovno dozvoljenom u skladu sa članom 18. Zakona:   |           |
| 1) za koncentraciju koja se ocjenjuje dozvoljenom prije donošenja zaključka o pokretanju postupka   | 2.500,00  |
| 2) za koncentraciju o kojoj se odlučuje poslije donošenja zaključka o pokretanju postupka   | 25.000,00 |
| e) o produženju roka bankarskim i drugim finansijskim institucijama ili osiguravajućim društvima od obaveze prijave koncentracije u skladu sa članom 12. stav (3) tačka a) Zakona | 2.500,00  |

(2) O poništavanju, mijenjanju ili ukidanju rješenja:

- |  |          |
|--|----------|
| a) o pojedinačnom izuzeću od zabrane sporazuma na osnovu člana 5. stav (5) Zakona  | 2.000,00 |
| b) o ocjeni koncentracije kada stranke ne mogu ispuniti neke od uslova ili krše neku od mjera određenu rješenjem Konkurencijskog vijeća, zbog okolnosti koje se nisu mogle predvidjeti i izbjeći i koje ne zavise od volje stranaka u skladu sa članom 18. stav (7) Zakona | 2.500,00 |

### Tarifni broj 108.

Za zaključak:

- |  |          |
|--|----------|
| a) o nagodbi između stranaka u postupku  | 1.000,00 |
| b) o obustavljanju postupka zbog odustajanja stranke, ako je već donesen zaključak o pokretanju postupka   | 500,00   |
| c) o odbacivanju prijave koncentracije stranaka jer nije ispunjen uslov ukupno ostvarenog godišnjeg prihoda u skladu sa članom 14. stav (1) Zakona | 1.000,00 |

### Član 3. (Taksena obaveza)

(1) Taksa se plaća u trenutku nastanka taksene obaveze.

(2) Taksena obaveza nastaje:

- za zahtjeve, prijave i druge podneske, u trenutku njihovog podnošenja;
- za upravne akte Konkurencijskog vijeća, prije njihovog dostavljanja stranci po čijem se zahtjevu donose;
- za ostale pravne radnje, u trenutku podnošenja zahtjeva za njihovo izvršenje.

## **DIO TREĆI - ZAVRŠNE ODREDBE**

### **Član 4. (Primjena)**

Za sve što nije regulisano ovom Odlukom primjenjivat će se Zakon o administrativnim taksama («Službeni glasnik BiH», br. 16/02, 19/02, 43/04 i 8/06).

### **Član 5. (Stupanje na snagu)**

Ova Odluka stupa na snagu osmog dana od dana objavljivanja u «Službenom glasniku BiH», a objavit će se i u službenim glasnicima entiteta i Brčko Distrikta Bosne i Hercegovine.

**VM broj: 48/06**

**16.03.2006. godine**

**S a r a j e v o**

**Predsjedavajući**

**Vijeća ministara BiH**

**Adnan Terzić**